


# Messadi pertucont la revisiun parziale dalla planisaziun locala Sevgein, territori d'explotaziun Bigliel

Preziaz signur president dil parlament  
Stimadas parlamentarias, stimai parlamentaris


La Montalta Transport + Kies AG ei veginida fundada igl onn 1928 ed emploiescha oz rodund 50 collaboraturas e collaboraturs a Glion e Schluein els secturs da transport, glera, betun, reciclati e dalla tgira da canals. Dapi rodund 45 onns explotescha la fatschenta glera el territori da Tschentaneras (fracziun da Sevgein). Las reservas da glera dil territori d'explotaziun Tschentaneras cun dretg vertent ein prest exauridas. El rom d'in concept d'explotaziun el territori da Glion ed en connex cun la revisiun parziale dil plan directiv regiunal (PDReg), concept d'explotaziun ed utilisaziun da material (2.610), duei il futur veginir explotau ca. 700'000 m<sup>3</sup> glera el territori da Bigliel sin ina surfatscha da ca. 3.4 ha. Per saver far quei drova ei ina revisiun parziale dalla planisaziun locala communal.



## Situaziun da partenza

Ils onns 2017/2018 ei il plan directiv regiunal e cantunal, part concept d'explotaziun ed utilisaziun da material (2.610) el territori da Glion (Tschentaneras Bigliel/Sevgein e Seglias/Schluein) vegnius revadius parzialmein per saver garantir il provediment da glera el territori respectiv. La revisiun parziale dil plan directiv regiunal ei veginida decidida ils 17 da matg 2018 dalla conferenza da presidents della Regiun Surselva ed approbada dalla Regenza ils 11 da december 2018.

Per saver possibilitar il futur l'explotaziun da glera a Bigliel eis ei necessari da far las proceduras da successiun (revisiun parziale dalla planisaziun locala incl. examinaziun da cumpatibilitad ecologica, procedura per la lubientscha da bagheggiar).



Bigiel, il territori d'explotaziun da glera futur, sesanfla per gronda part ella zona d'agricultura. Ina part secatta en ina zona per la protecziun dalla cuntrada.


Per la revisiun parziale presenta ei actualmein decisiva la planisaziun locala dall'antieriura vischnaunca da Sevgein, denton era la revisiun totala dalla vischnaunca dad Ilanz/Glion, approbada entras la votaziun all'urna dils 9 da fevrer 2020. Quella ei da present suttamessa alla Regenza per approbaziun. Tut tenor igl andament vegn la revisiun parziale specifica per il project el territori da Bigiel integrada ella planisaziun d'utilisaziun vertenta dall'antieriura vischnaunca da Sevgein ni ella planisaziun d'utilisaziun dalla vischnaunca dad Ilanz/Glion che entra pér en vigur.

## Descripziun dil project

Sin fundament dallas prescripcziuns dil plan directiv regiunal e cantunal, part concept d'explotaziun ed utilisaziun da material (2.610), vegn la Montalta Transport + Kies AG ad explotar il futur ca. 700'000 m<sup>3</sup> glera el territori da Bigiel sin ina surfatscha da ca. 3,4 ha. L'explotaziun da glera succeda duront rodund 20 onns. Tenor il concept d'explotaziun e da reemplenida san ins entscheiver ad emplenir la cava ca. tschun onns suenter ch'ins ha entschiet cun las lavurs d'explotaziun che cuozan ver 15 – 20 onns.

L'infrastructura ella zona d'explotaziun existenta Tschentaneras (stadera, cundrez da lavar, edifecis, plaza transitoria e da transcargada, deponia per substanzas inertas, eav.) sa vegnir utilisada vinavon. Per garantir igl access vegn construius in sutpassadi dalla via cantunala denter il territori d'explotaziun existent ed il niev. Ils sclariments cun igl uffeci da construcziun bassa cantunal han gia giu liug e la lubientscha necessaria ei vegnida empermessa. Cun l'utilisaziun dall'infrastructura existenta ed igl access previu sa il diever dalla surfatscha vegnir minimaus el niev territori d'explotaziun Bigiel, quei ei d'avantatg per l'agricultura ed il maletg dalla cuntrada.

Il concept d'explotaziun e da reemplenida duei d'ina vart cumpigliar in'utilisaziun aschi completa sco pusseivla dalla glera a disposiziun e da l'autra vart garantir ina reemplenida speditiva per saver minimar las consequenzas per il territori ed igl ambient. L'explotaziun prevesa da contonscher aschi spert sco pusseivel la vart el sidvest dalla cava da glera cun risguardar il corridor da selvaschina fixau (fasa d'explotaziun 1). Aschigleiti che quei punct ei contonschius (finiziu dalla fasa d'explotaziun 1), san ins entscheiver a reemplenir la cava sin l'entira ladezia (fasa da reemplenida).



En collaboraziun cun la cumissiun accumpagnonta, involvada già ell'explotaziun da glera a Tschentanneras, vegnan la surfatscha d'explotaziun aviarta controllada periodicamein ed en cass da basegns l'explotaziun resp. la reemplenida optimada. Per las treis seivs vivas/muschnas che ston vegnir remplazzadas vala ei d'anflar loghens substitutivs en collaboraziun cun la cumissiun accumpagnonta, ils possessurs da terren pertuccai ed ils organs da survigilonza da catscha.

Oz eis ei usitau da pagar in'indemnisaziun per l'explotaziun da glera alla vischnaunca da domicil ed als proprietaris dil terren. Il terren el territori d'explotaziun Bigiel ei en possess privat. Malgrad che l'explotaziun da glera planisada era gia enconuschenta ella procedura dalla meglierazion generala da Sevgein (1997 – 2010), ei quella circumstanzia buca veginida risguardada ella nova repartiziun, aschia ch'ils proprietaris da terren survegnessen nuot. Per quei motiv ha la Montalta Transport + Kies AG fatg cunvegnentschas en secret cun ils anteriurs proprietaris da terren sco era cun ils proprietaris actuals e cun la vischnaunca dad Illanz/Glion per reglar l'explotaziun e l'indemnisaziun. Per  $m^3$  material explotau paga la Montalta Transport + Kies AG in'indemnisaziun da 9 francs, dils quals 3 francs van alla vischnaunca e 6 francs mintgamai en parts egualas als anteriurs proprietaris da terren ed als proprietaris actuals. Quella regulaziun corrispunda da principi era alla pratica vertenta per il territori d'explotaziun da Tschentaneras.

Per l'interresa Montalta Transport + Kies AG eis ei impurtont d'informar a moda transparenta ed aviarta davart il project d'explotaziun. Gia el rom dalla revisiun parziala dil plan directiv ha ella stiui far vasts sclariments en connex cun la cumpatibilitad ecologica. Igl ei nundispeiteivel che l'explotaziun caschuna emissiuns. Sin fundament dallas experientschas dils davos decennis han ins denton saviu trer impurtontas conclusiuns per l'explotaziun futura.

Ell'explotaziun da glera va ei en emprema lingia per las emissiuns da maschinas e da vehichels che van cun diesel sco era per la puorla. Las pretensiuns legalas respectivas vegnan risguardadas. Las maschinas ed ils vehichels utilisai el territori d'explotaziun Bigliel observan tuts las limitaziuns d'emissiuns tenor l'Ordinaziun per mantener l'aria pura inclus la mesira dil plan da mesiras cantunal per l'aria (filters da particlas C7 per maschinas e vehichels che van cun diesel en implonts semeglionts pazzals).

Emissiuns da puorla seresultan primarmen entras la trascargada da material el perimeter dall'explo-taziun da glera sco era entras ils viadis da transport sin las parts buca francadas dalla via d'access. Duront periodas schetgas vegn la puorla reducida fermamein cun bugnar ils areals da traffic.

Pertucont la canera eis ei da menziunar ch'il territori d'explotaziun Bigiel sesanfla pli lunsch naven dil territori habitau da Sevgein e da baghetgs cun stanzas sensiblas a canera. A basa dalla situaziun topografica san ins ir da quei anora che las emissiuns da canera veggan a sesminuir els territoris pertuccai en cumparegliaziun cun la situaziun actuala.

Ils transports succedan sur la via da colligazion cantunala, sur la via d'access actuala sco era sur il niev supassadi sco access al niev territori d'explotaziun. L'intensitat dil traffic dependa dil basegns e buca dil volumen d'explotaziun. Consequentamein crescha il traffic buca, era sch'il territori d'explotaziun da glera Bigiel ei pli gronds.

Il territori d'explotaziun vegg duvraus oz intensivamein per intets agricols, aschia ch'ei dat en connex cun il schurmetg dalla natira negins spazis vitals cun flora ni fauna digna da vegin protegi. Singulas seivs vivas/muschnas enteifer il territori d'explotaziun ston vegin remplazzadas el rom dalla recultivaziun.

Tut priu eis ei da quintar che las emissiuns da puorla e da canera san vegin reducidas cumparegliau cun la situaziun actuala e ch'ei dat neginas consequenzas negativas per il schurmetg dalla natira.

## Dependenza dil liug

La dependenza dil liug ei veginida cumprovada el rom dil concept d'explotaziun el territori da Glion en connex cun la revisiun parziale dil plan directiv regional e cantunal (PDReg), concept d'explotaziun ed utilisaziun da material (2.610).

## Cumpatibilitad ecologica

Cun in volumen d'explotaziun da ca. 700'000 m<sup>3</sup> ei il project puttamess all'examinaziun ecologica (EE) tenor art. 10a lescha da protecziun digl ambient (LPAmb). Il rapport ecologic ei veginius elaboraus parallelamein cun la revisiun parziale dalla planisaziun locala.

En quei connex eis ei reussiu d'optimar il process d'explotaziun e da reemplenida aschinavon che las emissiuns da canera e l'intervenziun ella cuntrada san vegin reducidas.

Cun las mesiras proponidas el rapport ecologic sa l'extensiun dall'explotaziun da glera a Bigiel vegin characterisada, tenor il stan da savida actual, sco ecologicamein cumpatible, ton en connex cun ils singuls secturs digl ambient, cunzun arisguard la canera, la cuntrada ed il traffic, denton era cumplessivamente arisguard las intervenziuns. Plinavon corrispunda il project planisau allas prescripcziuns e determinaziuns legalas.

## Planisaziun d'utilisaziun orientada al project

### Plan da zonas 1:2'000, territori d'explotaziun Bigiel

El sectur dallas parcelas nr. 13517, 13412, 13525, 13441 e 13523 vegg definida la zona d'explotaziun da glera. Per possibilitar l'explotaziun eis ei necessari d'abolir la zona per la protecziun dalla cuntrada. Per liung digl areal forestal ei il cunfin digl uaul veginius fixaus staticamein aschia che adattaziuns pli pintgas sedattan ella zona d'agricultura ed ella zona digl ulteriur territori communal.

### Plan general da formaziun 1:2'000, territori d'explotaziun Bigiel

El plan general da formaziun vegg la procedura d'explotaziun fixada sco prescripcziun. Cheutras sereultan las fasas d'explotaziun 1 e 2 sco era l'explotaziun per liung dil corridor da selvaschina incl. la direcziun dall'explotaziun. Plinavon eis ei da construir ina seiv veseivila per la selvaschina e da remplazzar treis seivs vivas/muschnas.

## Plan general d'avvertura 1:2'000, territori d'explotaziun Bigliel

Il plan general d'avvertura fixescha igl access al territori d'explotaziun Bigliel sur la via d'access alla zona d'explotaziun da glera Bigliel.

### Mieds da planisaziun

La revisiun parziale presenta dil territori d'explotaziun Bigliel cuntegn ils suandonts mieds da planisaziun:

- plan da zonas 1:2'000, territori d'explotaziun Bigliel
- plan general da formaziun 1:2'000, territori d'explotaziun Bigliel
- plan general d'avvertura 1:2'000, territori d'explotaziun Bigliel

Sin damonda dat l'administraziun communal enuesta el rapport da planisaziun e cooperaziun sco era el rapport ecologic.

## Procedura della revisiun parziale

La procedura ei structurada sco suonda:

- revisiun parziale dil plan directiv regiunal e cantunal (2017 – 2018)
- sboz dalla revisiun parziale dalla planisaziun locala (2019)
- preexaminaziun entras igl Uffeci per il svilup dil territori (mars – matg 2020)
- deliberaziun dalla revisiun parziale entras la suprastanza communal per mauns dall'exposiziun da cooperaziun (ils 22 settember 2020)
- exposiziun da cooperaziun (dils 25 da settember entochen ils 26 d'october 2020)
- deliberaziun dil project entras la suprastanza communal (ils 15 da december 2020)
- deliberaziun ed approbaziun entras il parlament communal (ils 31 da mars 2021)
- votaziun all'urna (ils 16 da matg 2021)
- exposiziun da recuors (30 gis)
- approbaziun dalla planisaziun entras la Regenza

En connex cun l'exposiziun da cooperaziun publica tenor art. 13 dall'ordinaziun davart la planisaziun dil territori per il cantun Grischun (OPTGR) ha ei dau in'annunzia. Las propostas respectivas san vegnir risguardadas el rom dall'explotaziun.

## Proposta

Sin fundament dallas explicaziuns precedentas fa la suprastonza communal la suandonta proposta al parlament communal:

- approbaziun dalla revisiun parziale della planisaziun locala da Sevgein, territori d'explotaziun Bigliel, per mauns dalla votaziun all'urna dils 16 da matg 2021.


Las actas dalla revisiun parziale ch'ein da deliberar ein:

- plan da zonas 1:2'000, territori d'explotaziun Bigliel
- plan general da formaziun 1:2'000, territori d'explotaziun Bigliel
- plan general d'avertura 1:2'000, territori d'explotaziun Bigliel

Il rapport da planisaziun e cooperaziun dils 26 da november 2020, il rapport ecologic dils 28 d'uost 2020 e las actas davart la damonda da runcar uaul han caracter informativ e fan buca part dall'approbaziun.

Illanz/Glion, ils 15 da december 2020

Suprastonza communala Illanz/Glion



Kanton Graubünden  
**Gemeinde Ilanz/Glion**

## Zonenplan 1 : 2'000

### Abaugebiet Bigliel

Beschlussfassung

An der Urnenabstimmung beschlossen vom:

Die Gemeindepräsidentin:



Der Leiter Kanzlei:


Von der Regierung genehmigt am:


RB:

Der Präsident:

Der Kanzleidirektor:







## Festlegungen Zonenplan

### Übrige Zonen

<span style="background-color: #FFFFCC; border: 1px solid black; padding: 2px;"> </span>	Landwirtschaftszone	ES III	Art. 32 KRG
<span style="background-color: #C0C0C0; border: 1px solid black; padding: 2px;"> </span>	Zone übriges Gemeindegebiet	ES III	Art. 41 KRG
<span style="background-color: #003399; border: 1px solid black; padding: 2px;"> </span>	Kiesabbauzone		Art. 24/47 BauG
<span style="background-color: #006633; border: 1px solid black; padding: 2px;"> </span>	Statische Waldgrenze gemäss Art. 10/13 Waldgesetz		Art. 10/13 WaG

### Schutzzonen

<span style="background-color: #FF0000; border: 2px solid red; padding: 2px;"> </span>	Landschaftsschutzzone aufheben	Art. 34 KRG
----------------------------------------------------------------------------------------	--------------------------------	-------------

### Informative Inhalte

#### Orientierend

<span style="background-color: #9ACD32; border: 1px solid black; padding: 2px;"> </span>	Wald	WaG/KWaG
------------------------------------------------------------------------------------------	------	----------

**ES** Empfindlichkeitsstufe gemäss Lärmschutzverordnung

**KRG** Kantonaes Raumplanungsgesetz

**BauG** Baugesetz der ehemaligen Gemeinde Sevgein/Baugesetz Gemeinde llanz/Glion (noch nicht rechtskräftig)

**WaG** Bundesgesetz über den Wald

**KWaG** Kantonaes Waldgesetz

Amtliche Vermessung, Kanton Graubünden, August 2020



Kanton Graubünden  
**Gemeinde Ilanz/Glion**

# **Genereller Gestaltungsplan**

**1 : 2'000**

## **Abaugebiet Bigliel**

Beschlussfassung

An der Urnenabstimmung beschlossen vom:

Die Gemeindepräsidentin:



Der Leiter Kanzlei:


Von der Regierung genehmigt am:


RB:

Der Präsident:

Der Kanzleidirektor:







## Festlegungen

### Anweisungen

ersatzpflichtige Hecke/Muschna	Art. 25/52 BauG
Zaunpflicht während Abbauphase (wildsicher, 2m hoch)	Art. 25/52 BauG
Abbaurichtung Phase 1	Art. 25/52 BauG
Abbaurichtung Phase 2	Art. 25/52 BauG
Richtung Wiederauffüllungsphase	Art. 25/52 BauG
Abbauphase 1	Art. 25/52 BauG
Abbauphase 2	Art. 25/52 BauG
Abbau Wildkorridor (Abbau in Absprache mit Wildhut möglich)	Art. 25/52 BauG

### Bezeichnung

Wildkorridor	Art. 25/52 BauG
--------------	-----------------

### Informative Inhalte

#### Hinweisend

Kiesabbauzone	
Werkstrasse Kiesabbauzone Bigliel	


**ES** Empfindlichkeitsstufe gemäss Lärmschutzverordnung

**KRG** Kantonales Raumplanungsgesetz


**BauG** Baugesetz der ehemaligen Gemeinde Sevgein/Baugesetz Gemeinde Ilanz/Glion (noch nicht rechtskräftig)

Amtliche Vermessung, Kanton Graubünden, August 2020


## Ausgangszustand




## Zustand 2: Abbau und Wiederauffüllung (optimierter Flächenbedarf)




## Zustand 1: Abbau und Wiederauffüllung (max. Flächenbedarf)



## Endzustand (nach vollständiger Rekultivierung)





Kanton Graubünden  
**Gemeinde Ilanz/Glion**

# **Genereller Erschliessungsplan**

**1 : 2'000**

## **Abaugebiet Bigliel**

Beschlussfassung

An der Urnenabstimmung beschlossen vom:

---

Die Gemeindepräsidentin:

---

Der Leiter Kanzlei:

---

Von der Regierung genehmigt am:

RB:



---


Der Präsident:


---

Der Kanzleidirektor:

---







## Festlegungen

### Geplant

Werkstrasse Kiesabbauzone Bigliel

Art. 30/64 BauG

### Informative Inhalte

#### Hinweisend

Kiesabbauzone

**ES** Empfindlichkeitsstufe gemäss Lärmschutzverordnung

**KRG** Kantonaes Raumplanungsgesetz

**BauG** Baugesetz der ehemaligen Gemeinde Sevgein/Baugesetz Gemeinde Ilanz/Glion (noch nicht rechtskräftig)

Amtliche Vermessung, Kanton Graubünden, August 2020